



INDEPENDENT INVESTIGATIVE MECHANISM FOR MYANMAR

Vawleipi phunglam nih a khammi sualnak ngan tukmi pawl kawlam chung ah a tuah lentu pawl nih an sualman biaceihnak an ton khawhnak ding caah a herhmi tehte pawl thaten lak piak ii chiah piaknak.



MECHANISM CU ZEIDAH ASI, A HO TE DAH AN SI?

The Independent Investigative Mechanism for Myanmar (IIMM asiloah Mechanism) cu United Nations (UN) tang ii zung pakhat asimi Human Rights Council nih kum 2018,

September thla ah a rak diarh mi hlatlainak tuahtu bu asi. Mechanism cu thleidannak um loin le a ho hmanh nih nawl pek chom nak um lo in vawlei ramkip phunglam nih a khammi sualnak a tuah tu pawl hlathlai nak a tuahmi bu asi. A hlathlai mi sualnak pawl hi kum 2011 thokin kawlam chung hmunkip ah tuahmi sualnak pawlkhi aatel di. Mah hlathlai mi sualnak lak ah cun raltuk lio le raltuk tik ah ningcang loin mipi cung ah sualnak ngan a tuah mi pawl, mipum tampi cungah chiatnak phanhter mi sualnak tuahtu pawl, mipun asilole mi a bu ningpi in an cihmih di timhnak pawl zong an itel. Mah bantuk hlat hlay nak tuahnak ah hin sualnak a tuahtu asiloah fahnak a ingtuarmi hna pawl hi ze i mipun an si, aho pawl he dah i pehtlainnak an ngeih ti zoh lo in sualnak pawl lawng zoh in aho tanh hlei ngei lo te in a hlathlai tu bu a si.

Mechanism i riantuan nak le hlathlai nak pawlhi kawlam hmunkip ah sualnak ngan tukmi a tuahser tu pawl nih caan khatkhat ah biaceihnak an ton khawhnak ding ca ah a biapi tukmi rian asi.

MECHANISM CU ZEI BANTUK RIAN BIK DAH A TUAN?

Mechanism nih a tuahbik mi rian cu kawlam hmunzakip chungah sualnak ngantuk a tuahtu pawl sualnak tehte pawl vialte cu a rawh hlan le a tlaw hlan ah thaten lak, zohfianh nak tuah, le thaten kilven ii cu sualnak a tuahtu lutlai bik hna pawlnih an thiltuah sualmi cungah sualhawtnak anton khawhnak ding tawrelpiak hi asi. Hmailei ah kawlam chung i sualnak ngaantuk a tuahtu pawl taza cuai khawh an sinak ding caah cun tehte pawl hi an rawhhlan le an tlaw hlan ah lak an si maw, thaten fim ansi maw silo timi cung ah aa hngat. Culawng si lo in harsat nak a tong tu, a ing tu le a mit in a hmutu pawl nih hin an intuar ning le an hmuhton mi pawl thaten an theih le an cinken lio te ah tehte khannak an tuah ii an chim mi pawl kha khumh piakkhawh hi a biapi ngaingai fawn.

Ram dang ii cozah le nawngeitu pawl nih an mah ramchung ah, asilole ram leng ah maw, asi lo ah ramkip biaceihnak zung pawl ah kawlam chung i sualnak a tuahtu pawl hi case ser ii tazacuai an duh tik ah hin case tha te an ser khawh nak ding ah Mechanism nih hin a lak khumh mi tehte pawl hi a herh ning in a hrawmh tawn hna. Atu zong ah a hrawmh cuahmah len hna. Rohingya pawl an intuar nak kong he pehtlai in ramkip biaceih nak zung asi mi International Criminal Court le International Court of Justice ah tazacuai len mi zong ah a herhmi tette pawl hi Mechanism nih a hromh hna ii a bomh cuahmah lio asi. Cupin ah Argentina ram i biaceih nak zung ah tazacuai nak zong ah a hermi tehte pawl a pek hna.

Mechanism belte nih hin amah pakhat nawl in ahohmanh tlaih khawhnak, taza cuai khawhnak le biaceihnak belte tuah khawhnak nawl a ngei lo.

ZEITINDAH MECHANISM SINAH TEHTE PAWL LE THIL SI NING PAWL KA HRAWMH KHAWH VE LAI?

Mechanism sin ah tehte pawl, hmanthlak pawl le thil sining pawl chimh ve le hrawmh ve khawh nakding ah cun a lenglei mi nih fawite in an zoh khawh le an hrawhkhawh lomi channel pawl asi mi (encrypted channel) Signal asilole Proton Mail pawl khin hrawmh khawh asi.

Phone ah **Signal timi application** khi download ii mah in cun +41 76 691 1208 ah khin kuat a si hnga. Signal asilomi a dang deuh hman na duh asi ahcun **Proton Mail** timi (email phunkhat thiamthiam) zong in ca kuat khawh asi. Kuat tik ah contact@myanmar-mechanism.org timi address ah kuat khawh asi.

Mah bantuk in tehte, hmanthlak le thil sining pawl hi Mechanism bantuk hlathlai tu sin chimh le kuat ruangah harsat nak na ton lole na buai lo ding hi a biapit tuk tikah nangmah sianhnak tel lo in cun ho na si ii ze i bantuk tehte pawl dah na kuat ii na chim timi khi khoi ka hmanh ah phuan asi lailo. Lungdam te in tehte pawl hrawmh khawh le pek khawh a si.



iimm.un.org



iimm@un.org



[@MyanmarMechanism](https://www.facebook.com/MyanmarMechanism)



[@MyanmarMechanism](https://www.linkedin.com/company/MyanmarMechanism)